

壯烈魏公誌序

夫人必登壇拜爵左指右麾然後知其爲英雄將略也則何以處夫潛德之幽光者乎然或者生艸茅之下身未列崇闈之寄



朱紫軒藏

而日在戎馬之場進退有節行
止有度儼然爲保障爲干城若
此而不有以闡揚之稱述之則
吏茲土者爲何子宰仙谿仙巖
邑也伏莽潢池蠢焉數動夫當

捨攘之秋誰戒此朝食無難拊
髀而思獨不得頗牧其人乎何
憂反側子哉適邑之東有廟巍
然有神奕然仙之人所禱而祀
之尸而祝之者予登其堂敬慕

者父之以爲得若神而殲厥渠
魁必不至長寇而辱國也明矣
進父老而詢其蹟父老爲予言
公魏姓諱昇邑之西金沙人也
公子瑞周瑞周者取周將軍入

3

懷之義也公之行止顛武穆節
慨類壯繆載在籍中赫々若前
日事于展而讀之曰是誠所爲
大將風烈也左仁右義出奇薄
險用賢使才愛民育士以之握

符錫壤寧出頗牧下哉柰何捐
軀罔報贈恤無聞信乎難封者
不獨一李氏爲然矣今者據兵
阻險天討久逋而孤城孱邑竟
不敢狡焉啓疆者藉非賴公之

4
霧不及此聞晉化虎當道陰殄
兇頑盖無禮必逐非種必鋤公
之素志於今爲烈也事蹟兩卷
邑人鄭公東園郡人林公貞肅
已焚梨棗兵燹之後散逸無存

予集而脩之脩之復粹之使天下知艸茅之下未刈閩外之寄若公者仗義樹勛遠近皆能言之而猶不膺一爵不蒙一謚如此則夫英雄之士湮滅而不彰

者何可勝道哉

順治歲次庚子孟夏文林郎知
仙遊縣事止菴侯紹岐薰沐
拜題



壯烈祠碑記

舊有門額壯烈祠三大字為明代天啓乙丑年張瑞圖書因恐有荒烟蔓草之虞以之勒石

末記魏公事蹟暨諸鄉兵姓名於碑中暨於祠前垂于不朽
并錄其碑文于左

仙邑當明弘治正法間盜賊充斥金沙魏公諱昇先以捍
術歷數十年而不倦後倭寇攻城公率子瑞周鄉兵林德泰
翁汝達郭懷志雷法英誼子朱尚寶來援俱死於難城賴
以全司道府縣為建壯烈祠事秋遣官致祭邑人感其德
時加修葺每歲祠壞本社追念前徽募修完竣為始未
保護仙邦者之先例也 民國乙丑年道法社同善社同啟立

大門聯

仙熱義士
民族功臣

朱紫揮筆書

壯烈祠誌序

朱紫所藏

古今來丈夫沒而祀於社者代不數
人而矧夫禦災捍患父子同心如我
金沙 魏公橋梓者乎攷公當日智
勇兼資仁義互用善績累累年譜為
誌叙跋不能悉也予姑約舉數端以

示世之趨蹌陳薦者當山寇李道隆
嘯聚屠戮焚毀廬舍民不堪命公設
計勦滅之旋永寇劉天祐王廷鶚率
衆千餘人潛師掠境公追之至松羅
境上二酋俱中槩死此非智勇兼資
者能乎哉至成化丁未歲旱潦頻仍

1
仙民大饑公慨然領帑金三千勸殷
實捐貲三千駕大艍往東粵買粟救
荒是時海氛劫舟令善沒水者四十
八人鑿沉賊艦通邑得免溝壑者公
之賜也又弘治二年金沙田地自景
泰被水衝塞者公捐白金千餘兩築

長堤九里復田千餘頃得免賠糧民
食其德又豈非仁心義用者乎不謂
正德丙子倭賊鄺獬等侵疆公追殺
之逃入丹霞渡收餘燼而來公橋梓
應檄先登不俟援旅同時被害嗚呼
將星之隕保障乏人可勝悼哉士民

感其德而哀其沒遂建祠于邑東街
爲春秋崇報之所憶予幼時嘗嬉遊
廟中仰瞻寶像不禁悄然悲而肅然
恐迨余弱冠舉於鄉三十登庸東西
南翔維天子使二十餘載弗獲一入
里門拜公堂下然而私心向往之矣

至壬午癸未之交予守制家居始得
歲時伏臘一瞻祠宇爰贈公俠骨猶
香之扁長短二柱聯採入邑乘則是
公橋梓生前之功德弗誼于人心而
予揄揚公橋梓之功德亦垂身後之
令譽梁忠臣王彥章有言人死留名

9
其斯之謂歟嗟嗟世篤忠貞侔東晉
卞壺之餘烈臨難嘯嗑弘山左魏勝
之家風惜乎請爵丐謚阻於時事疏
草徒存將焉用之李廣不侯古今同
慨雖然猶有翼夫後之名公巨卿仁
人君子爲之表揚云爾

邑人唐顯悅頓首拜撰



序

唐咸通之季寵勛作亂杜愔方守泗州幸
謹好任俠年五十不仕寓居廣陵與愔
有蒸肉饗赴難犯圍出入迎兵援糧往
近十二周遭辛而滅勛功淺受刺史之
職若是者可以稱希衣直豪傑矣宋張

朱紫所藏

仲友通春秋下第宣撫姚希得羅致幕
下授空名牒三十以還不踰旬偕鐵騎
三十人擁甲士五千至遂解澧鼎五物
之圍請問所統姓名謝不存竟去不知
所終趙次張秋策蘄王乞決淮西之水
以灌金營又仗劄說岳武穆移軍陽

美州境以安時趙丞相以用之責以說廢
而死嗚呼世之真不傑個儻之士沈沒布
衣州藜間有奮為世用而功以全名以立
如辛讒者有才足盡用而終不願為世
用如張仲友者有足為世用卒沮於疑
忌而終不克用如趙次張者名有限哉後

六百餘年而有吾郡魏將軍昇者將軍
金沙一帟衣少遇神授得五行七政陣法
遂以此鼓勵鄉人奮勇練兵始解州里
之危既衛郡邑之危既又分國家之憂
卒乃先登赴難子殲於伍身沒於創
官家不名一畝財幕府不上一功而閭巷童


叟尚有範稱而樂道者勒名於碑繪像
於廟去之今万年猶有藉神明以爲其說
者蓋公之功烈著於州郡而繫於人心者
如此嘗以其時按之公生當弘正之世其時
天下非無事也劉六齋考名橫京畿趙
風子掠河南廣府寧藩相繼稱叛設公

遇有杜愔其人者左提右挈枕戈突圍
策勛列閫重顧問哉乃一旦當倭寇之亂
自率所部獵海波震天吳不折一箭不
損一糧鑿巨艦沉戎首長緝軍門讓爵
不受此與仲友之謝希得何殊及至嬰
鋒挫銳父子俱沒壯志不酬齎身沙場

13
與趙次張之憂謗屈鬱均足彰者幸謹
事唐史記之甚詳張仲友僅見宋書世
之少者傳者趙次張絕無道其名字得
之陳龍川中興遺傳嗟夫國家未嘗无
事天下未嘗无人或屈而不用或不
大或大而不終遂使功名之士与州未同其

澹朽如魏將軍者起布衣終戰陣終其
行事與三人者不異非有記載之文後世
烏能道其一二哉壯烈之誌是烏能已哉

郡人董中余 颺孫撰



魏公香燈記

朱紫所藏

魏壯烈將軍父子功在社稷正德十二年按院程公

昂檄郡邑建祠崇報百六十三年于此順治七年

邑侯孫公之屏歲給常平倉穀三石奉祠香燈歷

任遵給嗣是兵燹頻仍遂廢不舉

邑侯崔公諱岷考故籍之所載崇功勳之攸隆仍給

如舊公子孫金沙望族將種左都督薛夢振請刊

扁記永為祀典以鍾石雖微出自縣官所謂有司

奉祀事也將軍以布衣糾義屢殲詳醜大小百餘

戰保障四十年至身殉疆場猶英靈化虎不忘國
禦推此志也直與日月爭光區區一燈詎足報鴻
烈哉聞之清溪戰陷卞氏有父子為石頭及難袁
氏有父子為然而犯關莫禦討賊弗遂英雄不無
浩歎我

將軍橋梓捐軀赴難賊為之却城賴以全觀其偉績

何讓壯繆武穆特恨生不侯封沒未帝錫耳

附聯句牌扁

天獨生父子精忠氣挾霜風飛短榻

公何抱英雄舊恨方留海岳作長城 鄉紳王家彥

一腔熱血灑孤城笑從來骨脆腸柔枉爾身為男

子

三尺芒矛寒夜月看如今口尸腹祝何須生覓侯

封 鄉紳唐顯悅

取義成仁橋與梓

禦災捍患人為神 鄉紳唐仁簡

一生義氣出人聞不愛黃金酬死士

千載英魂浮世上猶憑短劍鎮孤城 里民張學漸

義烈英靈葉相國生氣凜然朱國都狹骨猶香唐司馬

父子成仁徐道翁義烈千古胡太爺志在仁人張二太爺

真海遺休湯太爺壯氣干霄四太爺二江干城金太爺

忠烈貫日殷四太爺

世有擁兵百萬生無益于時死無補于國野草夕

陽疇復起戰馬而問之將軍家尸戶祝凜々如生

大家報功勸後必有發忠孝之靈雲英雄之淚百世

千秋旦暮遇之

金沙魏公將軍壯烈志卷上

朱紫所藏

閩興化府僊遊縣仁德里金沙村在萬山叢委中諸

山環抱衆溪交流誠巖邑粵區也村中有魏長者廣

淵公諱江生號竹莊累千金好善樂施雅有隱德門

前有三大池縱橫數十畝源流清滌鏡面遠空漣漪

蕩漾四時舒綠有業青鳥者過其地凝眸久之嘆曰

此處四山壁立九溪連環且地脉靈異川源光恠不

又必出壯烈名將喧嘩名神

英宗睿皇帝天順三年乙卯仲秋八月望夜廣淵公
同劉孺人祈嗣於九溪之曲孺人夢黑熊捧日升中
堂因孕將軍焉至

天順四年庚辰六月初二日未時遂生將軍於金沙
村廣淵公因憶黑熊捧日升堂之夢遂名將軍爲昇
云方將軍初誕時異香滿室馨馥如蘭廣淵公命善
易者揲著卜之得大臨之卦及長遂字將軍爲大臨
又號將軍曰友蘭蓋取初生時奇徵也

天順五年辛巳將軍二歲

天順六年壬午將軍三歲

天順七年癸未將軍四歲

天順八年甲申將軍五歲

憲宗純皇帝成化元年乙酉將軍六歲喜聚沙礫菓
核排爲陣勢以供嬉戲

成化八年壬辰將軍十三歲懸弓矢於百步之外百
發百中

成化十年將軍十五歲手持八十斤鐵錐如持輕芥
識者知其非凡兒云

成化十一年乙未將軍十六歲九溪山中羣虎出沒
林莽間日傷數人鄉人患之將軍操弓射殺三虎尚
一虎逸至溪口將逆流渡溪將軍追至溪上飛石格
殺之父老咸嘖嘖嘆曰卞莊子刺虎尚用寸鐵不若
魏家兒只用片石方今羣盜擁衆東掠歲無寧宇是
兒其吾鄉保障乎因出牛酒勞之

成化十二年丙申將軍十七歲廣淵公散千金令將
軍延教師學擊劍馳槩投礮瞰張之伎以保障立勳
三年而諸藝畢精

成化十六年庚子將軍二十一歲仗劍謁總戎沐有
威有威標下有編將季祐佶者齊力過人能彎弓三
百斤馳駿馬上下山坂如履平地誠閩中驍將也有
威令季祐佶與將軍比試諸藝將軍十試十勝有威
奇之曰子誠義士也第此匹夫之勇敢數十人足矣

用兵之道動靜呼吸虛實相生當知留中妙用須有
天地莫知機緘鬼神不測窅會以子之膂力膽智自
可獨當一隊浪戰於強場沙漠之間若坐轅門統大
軍運籌帷幄決勝千里更當學萬人敵萬人敵之法
古之人有行之者孫武子吳起是也第孫吳往矣孫
吳之法存之於書子歸求之有餘師有威欲留將軍
為標下中軍以待署用而將軍懇求歸請學萬人敵
成化十七年辛丑將軍二十二歲因沐總戎之言回

思前數年所學乃闔力之伎力闔力有限智闔智無
窮遂携金往書肆購孫吳武經七書併古名將傳築
室於九溪之陽日夜摹索鑽研期於紙上窺孫吳心
法於書中覓兵機妙解不覺年餘將軍胸中豁達開
朗兵機兵法若有契於心者因著有置鬼韜畧二十
卷

成化十九年癸卯將軍二十四歲忽有異僧叩門謁
將軍曰我少陵寺正覺和尚也特來訪子將軍延之

上坐正覺問曰子學孫吳兵法乎將軍曰然正覺曰能會心否將軍曰孫吳之法存之於書以隔世之人尋隔世心法終曠曠耳正覺遂於坐上開陳五步六步七步之旨指示五伐六伐七伐之方謂將軍曰大凡天下事當因時制宜事有可行於古而不可行於今者有可行於今而不可行於古者孫吳之法可行於古而不可行於今今時之法可行於今而不可行於古子不聞趙括能讀父書不能用父法竟罹長平

之坑乎又不聞房琯昉古車戰竟致潼關之敗乎故兵家有以法法者有以不法法者傳而授之在乎其書神而明之存乎其人子何不學今之陣法兵法日待時用乎將軍曰昇有志久矣如禪師不棄願學焉正覺因袖出一部示之曰此正當今萬人敵兵法也後數月必來教子遂別去將軍閱之皆兵法陣法也朝夕展玩不置踰數月異僧復至謂將軍曰子可以教矣既爲耳提又爲面命不數日盡得其解異僧辭

去竟莫知所之將軍喜曰吾舊熟孫吳兵法又新得
正覺心法將何堅不破何戰不勝哉因著有中國形
勝說及九邊論四夷考凡三十卷

朱紫印藏

成化二十年甲辰將軍二十五歲王春元日夜夢一
神人冉冉而來謂將軍曰前者正覺教子兵法曾習
熟否將軍曰昇愚昧前蒙正覺禪師指南畧得一二
耳神人曰吾後漢壽亭侯也以子素懷忠義兵法未
精特來教子將軍遂北面再拜侍立竚聽指教神人

乃啓口陳說曰今之談兵者率談兵法矣第天時有
不同地利有不一人和有殊致難以一定拘也如春
秋戰國用武日久自是一樣兵法此正覺所謂孫吳
之法可行於古而不可行於今也方今天下昇平日
久編氓忘戰間有一二草寇竊發調兵勦之又是一
樣兵法此正覺所謂今時之兵法可行於今而不可
行於古者也將軍因請曰兵法可得聞乎神人初授
渾天儀陣法次授七政陣法又次授五行陣法將軍

廿九
曰古所謂常山蛇勢陣請問果何如神人曰常山蛇
勢陣今世所傳雖有甲乙丙丁戊己庚辛壬癸爲號
然前甲與後甲相炤應前乙與後乙相炤應至於丙
丁壬癸皆然此其一變也次則庚與壬相炤應辛與
癸相炤應癸與己相炤應甲與丙相炤應至於乙丁
戊庚己辛其炤應皆然此其二變也又其次則甲與
己相炤應乙與庚相炤應丙與辛相炤應丁與壬相
炤應戊與癸相炤應此其三變也繇是而變化無窮

22
所謂擊首則尾應擊尾則首應擊其中則首尾俱應
也將軍曰諸葛武侯之八陣李衛公之六花陣可得
聞乎神人曰八陣者每陣中又有八小隊故八入而
六十四也李衛公之六花陣蓋用武侯之八陣而畧
加損益之也吳麟之疊陣法卽是古人所謂更休陣
是也止可用之於陸戰而不可用之於水戰乃若鴈
翔陣魚麗陣方陣員陣則步戰車戰水戰皆可用也
將軍旣寤自是武藝愈精胸襟豁達若得神助云因

著有金沙武畧併謀野求野二集凡五十卷

成化二十一年乙巳將軍二十六歲山寇李道隆等
嘯聚亡命數百人屯於萬善里屠戮平民焚毀廬舍
百姓逃竄將軍聞變糾集鄉兵百餘人渡中峰橋勦
之道隆遣賊衆堆積木石於橋頭以禦官兵將軍令
鄉兵擲木石以攻之木石交下如雨賊衆且戰且走
自相蹂踏死者不可勝數道隆單騎走至平溪被將
軍射死餘賊俱走遁永春德化邑令彭公昭出庫金
五十鎰獎勞委將軍爲摠捕教師而西鄉百姓扶老
携幼亦各具彩幣壺漿踵門勞之曰微子奏破虜虜
功吾儕安得有今日哉

成化二十二年丙午將軍二十七歲山寇劉天祐王
廷鸚等千餘人繇永春東下潛師掠境初至西鄉馬
鞍山天祐廷鸚徑至溫居富民吳琳家遂據吳琳之
宅爲巢穴分遣賊衆四處劫掠百姓死者枕藉山谷
將軍聞知糾合鄉兵五百餘人勦之陣于文賢里上

雲地方天祐廷鶚聞將軍且至遂擁衆夜犇賊南犇之時忽然黑雲四起陰風蕭索賊衆舉首見一猛將身着綠袍行空中如飛率神兵呼殺不絕賊衆大驚怖犇至鍾洋地界神將呼殺愈近賊衆伏地請死綠袍猛將大喝曰汝等皆朝廷良民善衆何爲從事刀劍作劫掠生理耶今若與汝等約當賣劍買牛賣刀買犢爲朝家力本之民庶可轉禍爲福如再執迷聽魏大臨施行空中綠袍大將乃是關聖顯靈也賊衆

24
遂四竄逃生明發劉天祐等犇至松羅地界點發賊衆只有二百餘人適將軍率鄉兵追至天祐廷鶚中槩墜馬死鄉兵奮勇先登賊衆二百餘人無一人生還者知縣彭公昭遣吏承里老齋白金五十鎰併金花表裏牛酒至將軍宅上獎勞仍委將軍爲四鄉總捕教師

成化二十三年丁未將軍二十八歲是歲水旱頻仍仙邑大饑將軍呈縣願領庫金若干駕大艤往廣東

高潮度困露積之處乞糴以救荒知縣彭公昭出庫銀三千兩又勸貸本邑殷實戶銀三千兩委將軍往廣東高潮乞糴將軍即日選鄉兵善沒水者四十人趨趨異常能入水中盡日不起或浮水上盡日不沉蓋鄉兵之絕異者也同至高潮買穀五萬石航海而歸舟至程鄉界內東海水天一色波濤洶湧忽見賊船十餘隻順風徑進如飛瞬息之間突至面前將軍令善沒水者四十人手持斧鑿沒入水中鑿破其船

頃刻之間十餘隻賊船盡皆沉沒四十名水兵既鑿破賊船即一齊上水將軍遂駕舟歸至仙遊縣報官平糴以濟饑民將平糴之銀備三千兩補還庫銀又備三千兩還本邑殷實戶貸銀通邑人民不至為溝中瘠者皆將軍賜也先時仁德里南溪有牧童曰阿丙者家貧無以為資其母使阿丙牧犢溪潭上初阿丙見羣兒為泅以嬉已亦從羣兒為泅以嬉久之羣兒見阿丙泅及閉目駭怖阿丙有時倒置而足而以

額行或翼兩肘凌波而馳或立峭岸側目潭中倏忽
翻擲水底攫捕魚鱉而出語人曰吾初入水時見水
皆血赤色稍久則濛濛然如煙霧今不異浮虛廓中
也母往餉阿丙阿丙從水中躍出母大驚怖明目往
覘之水深數十丈清洞如鑑俯見阿丙裸體寢盤石
上連下石軋其背阿丙撒旋以出母泣答之阿丙曰
我牧倦思睡顧日暴爍我蠅蚋又擾我水卧殊不惡
柰何答我乎將軍因講武至溪上偶見之因召與語

26
試之以力阿丙一手能持頑石三百斤輕身馳驟五
十餘步將軍大竒之因謂其母曰若兒性耽於水其
殆與水相忘耶方今東海倭夷議欲乘風駕船長驅
入寇是兒可備舟師之用即日署為部下水兵嗣是
下水鑿船阿丙亦與焉

孝宗敬皇帝弘治元年戊申將軍二十九歲是歲仲
冬之候汞灰已動疑目履長將軍夜坐不睡展開正
覺禪師所授兵法於案上觀玩夜久更深隱几而卧

恍忽之間又夢綠袍神人同一猛將從西北冉冉而來笑謂將軍曰別來無恙乎今年汝當添丁吾以汝素忠義今特遣周倉爲汝令噐顧謂周倉曰二八孩兒五濁惡世寇賊奸宄汝暫住此二十八年值火牛之歲汝當還絳闕清都矣又謾語左右曰昔樂毅率燕軍攻齊旦夕間下齊七十餘城所不下者莒與卽墨耳及田單據二城用火牛之計遂復齊七十餘城將軍驚覺時將軍內子阮孺人已報誕生寧馨兒矣

計其年月時日乃戊申年十一月初四日丑時也將軍因感神人遣周倉爲令噐之語遂名其兒爲瑞周蓋火牛者丁丑也自弘治戊申歲距正德丁丑歲計二十八年耳是年瑞周戰沒將軍云殂神語蓋前定云

弘治二年己酉將軍三十歲仙遊縣仁德里黃沙等處一派田地自景泰三年被洪水衝塞壅爲平溪年間通里賠納糧米里甲大爲不堪是歲將軍捐家貲

千餘兩顧德化縣人役營築長堤九里復溪田千餘
頃堤成之後將軍做成周信南制法成法順其地勢
水勢之宜有疆有理有溝有遂地勢高於西其遂自
西而東入於溝乃從而南其畝地勢高於北其遂自
北而南入於溝乃從而東其畝澇則決田之水自遂
以入於溝旱則決溝之水自遂以達於田通里始無
浮糧百姓便之

弘治三年庚戌將軍三十一歲是年五月倭入南日

28
界內南日哨兵袖手坐視莫敢以一矢相加遺本府
海防館暨中路守備司間將軍名馳羽書至仙遊縣
徵將軍倍道駕船勦倭將軍聞變率鄉兵三百餘人
連夜兼程駕艤至南日海壇界內值黑夜狂飈大作
霾霧四塞將軍用火攻之法賊衆燒死過半餘賊乘
焚餘之舟遠遁海防館暨守備司備彩幣筐篚躬自
慰勞因上其功於撫按撫按大加稱賞署將軍爲
總捕義官

弘治四年辛亥將軍三十二歲巨寇溫文進千餘人
繇德化流劫至仙遊縣善化里玉湖地界謀越仙邑
寇莆邑涵江百姓皆逃竄山谷文進遣賊酋齎白金
獻於將軍求假道將軍暫收其金佯許之善化里澄
坡大圳文溪後溪金圭三會埔後等處一望平蕪林
藪蒼鬱可以伏兵將軍連夜分遣鄉兵善射有百餘
人操弓弩毒矢先伏林藪蒼鬱中賊酋回報文進說
將軍收金許假道文進大喜即時率賊衆行至仁德

29
里貂峯錦溪龍華卓洋梅林黃坑梧桐井將軍率鄉
兵與之鏖戰文進大敗而奔遁歸善化里原營至澄
坡大圳等處林莽蒼鬱之中萬弩俱發矢下如雨文
進中毒矢死僅遺殘衆八九十人將軍盡擒之是日
救回被虜數百人百姓歡聲動地皆製彩帳携牛酒
酬謝知縣陳公文給白金彩幣躬自獎勞將軍卽以
文進假道之金置義田三百畝歲入租穀六百石令
里內殷實戶有德行之人司其出入凡十四里東西

鄉百姓有貧不能娶喪不能葬者將年間所入租穀分給之仙邑人民自是室無停喪家無怨曠皆將軍之賜也

弘治五年壬子將軍三十三歲強寇數千人攻惠安縣城惠安縣知縣馳蠟書求救於仙遊縣縣侯陳公文委將軍統鄉兵三百人救之時值霖雨連旬溪水瀑漲賊聞救兵且至遂解圍舍城六十里迎戰將軍屯兵高阜誅茆爲屋伐木爲柵暗令鄉兵將四處山

谿林壑之水用木石攔住賊不知地勢高下營於下流之地至黑夜之時將軍令鄉兵將障水木石指和賊衆屯住之處倏忽之間水高十餘丈賊衆全營淪沒生擒賊首岑志曉等三十餘人惠安縣知縣備金花彩幣出郊六十里迎勞曰魏君之功勝韓淮陰之囊沙壅水真如關公水滄七軍矣惠邑縉紳士民筐玄黃具壺漿奔迓六十里趨迎道左餉之父老泣下顧謂子弟曰若等扼於強賊之手而將軍寔衽席之

沒世不忘之恩也皆下拜稽首摩夾觀之人遮擁
道路至不能行者

弘治六年癸丑將軍三十四歲仙遊縣東西鄉水災
地陷山崩田舍淹圯人畜沒死者無筭漳人有葉虎
者心多機智遂嘯聚山林無賴少年多依之至是加
以洪水之後饑饉薦臻貧民之艱於衣食者爭歸附
之聽其約束旬月之間聚衆至數千人乃置器械衣
甲旗幟繇永春縣直抵仙遊縣城下時水旱頻仍百

31
姓十室九空聞賊又至望風逃竄號哭之聲震動天
地雖窮鄉僻壤之地無不堆屍流血也知縣萬公璉
檄召將軍入城禦賊將軍星夜率鄉兵百餘人縋城
守禦越翼日適賊率衆薄城將軍登陴免胄示之賊
遙視其爲將軍也語其衆曰吾遇潮陽兵卧而戰遇
詔安兵坐而戰遇金沙兵立而戰蓋懼之甚也遂犇
去將軍提兵躡其後至萬善里潭邊文殊古瀨度尾
崙頭柘山留埔竹乾張石等處大破之葉虎中槩墜

馬死知縣萬公璉設宴於縣堂以饗將軍將軍固辭
不赴萬公懇請乃赴酒三行萬公舉盃邀飲將軍推
讓再三萬公徐徐謂曰岳武穆當日亦能飲酒至數
斗將軍何以辭爲將軍連飲三爵少頃萬公從容問
曰當今昇平日久統袴之子聞戎裝則面赤如丹執
銳則慚笑莫禁此無他不選之於蚤也今幸山寇稍
戢區區當選兵以預將來敢問選之之法若何將軍
曰兵之貴選尚矣切不可用市井游滑之輩須用鄉

32
村老實之人萬公曰城市之人見識廣大易知金鼓
鄉野之夫貌如木強聞金鼓之聲旗幟之列驚駭錯
愕如何可用將軍曰市井之人奸滑巧詐神色不定
見官府全無畏懼此輩悞事竄大但今選兵者或專
取豐偉或專取武藝或專取氣力或專取伶俐此最
今時選兵之弊何以言之豐大之膽不克則緩急之
際肥胖不能疾趨藝精而膽不克則臨事怕死手足
戰慄便有倒戈之害伶俐而膽不克則平居好擇便

宜臨陣預思自全之路力大而膽不克則臨時手軟
目眩呼之不聞推而不動此四者皆不可恃也萬公
曰然則何如而可將軍曰專以此四者選兵固不可
必欲廢此四者而選兵亦不可大凡選兵必武藝膽
智勇力三者兼全乃爲上品然三者之中必以膽智
爲主萬公曰膽在人心何以知之將軍曰膽雖在
人心中而精神則露於外精神者正膽智之流露於
外者也蓋鄉野愚鈍之人畏官府畏法度我之誠信

易於感孚敵愾易於振作先以異常之威壓之使就
我殼中而繼之大恩以收其心結之至誠以作其氣
則彼必爲我用命矣選兵之法莫踰於此萬公拱手
謝曰將軍所談真當今選兵之良法也酒載數巡萬
公復間曰兵固貴精技藝矣主將者萬人之敵也而
一技一藝似不必習歟將軍曰惡是何言與夫主將
固以司旗鼓調度爲職然不以身先之則兵士之氣
不堅前行之卒得以欺哄莫可得辨如身無精藝已

瞻不克且如欲校閱士卒必須憑左右以定高下左右便得以意低昂其間賞罰必不公士心便不附學技不精而套法無益之藝得以入於其間此主將不精武藝之弊也乃當今主將所習者俱是虛套與真法真令真武藝原無一字相合及至臨陣又出一番新法與平日耳聞目見者無一相同繇是套法勝而對手功夫漸迷武藝之病也虛文張而真實却廢制律之病也萬公舉手加額曰將軍真百萬主將也將將軍辭謝再拜而出

弘治七年甲寅將軍三十五歲文賢里陳弘嚴陳弘貴齊力過人武斷鄉曲聚徒衆數十人出入俱佩刀劍或持七首稍有拂其意者卽挾七首刺之鄉人莫敢誰何又議欲勾引永春菁寇德化山寇兩路挾攻仙遊縣城而彼爲內應兩鄉患之奔告於鄉宦鄭公主忠鄭公語鄉人曰弘嚴弘貴力能扼虎拳勇無敵

書名	注 録 志		
冊數	4	版別	紙
議價	1957年4月18日		
編號	字第		號

北京市圖書出版業同業公會印製

